

JUDANÊ papia

Judanê papia nec ñac tau keto gebe ênam la lau êndêñ mêtê-geowaga, tañ sêsam tauñ gebe lau-sêkêñ-gêwiñña êsêac nañ. Biñ tec teto gêc papia dambê tonec nec, kêtôm tañ teto gêc Peterenê Papia kêtú luagêcña nañ. Ñac-ketowaga kêkêli nê lau-sêsamwaga gebe “Anac siñ êtu biñ takêñ gêwiñ, tañ Anôtô kêkêñ gêdêñ nê lau kêtú dim tagenñen ma kêtôm nañña awiñman.”

Nadênañ

1. Gêjac m papia tau 1-2
2. Kêdônwaga dansañ nêñ ñam ma nêñ biñ têdônña to ñagêjô êtap êsêac saña 3-16
3. Gêlêñ biñ lau gebe sêsap sêkêñ êwiñ tôn ñañênñen 17-23
4. Gêjac mata ña mec lambiñña 24-25

Juda awa gêjac lau

¹ Jesu Kilisi nê sakiñwaga ma Jakobo lasi aê, Juda, ñoc biñ êndêñ êsêac, tañ Anôtô kêkalem êsêac nañ. Tamenji Anôtô têtac gêwiñ êsêac to Jesu Kilisi gêjam jaom êsêac gêmoa.

² Anôtônê taê walô to biñmalô ma têtac gêwiñ ênam sêga aña amacnê.

Anôtô êmêtôc kêdonwaga dansañ

³ O lauace, aê taêc gêjam kêtú tôn gebe jato êndêñ amac ma jawa Anôtônê moasiñ ênam aêac kêsiña, tañ gêjac aêac samob ñawae nañ ñam sa. Ma galoc ñoc ñalêlôm kêkac aê gebe jato êndêñ amac ma jalêñ bi ñ amac gebe anac siñ êtu biñ takêñ gêwiñña,

tañ Anôtô kêkêñ gêdêñ nê lau kêtû dim tagenña nañ êwiñ. ⁴ Namalac ñagêdô sêsap aêac ñalêlôm kelecgeñ. Êsêac dedec Anôtô ma sêjam aêacnêñ Anôtônê moasiñ ôkwi e kêtû ôliñ ñakalac ñagêñ ma sêsa Natau tagen, aêacnêñ Apômtau Jesu Kilisi auc. Mêtôc tañ êsêac têtap sa nañ, teto ñabiñ gêc wanêcgeñ su.

⁵ Aê gabe jaôñ biñ, tañ amac ajala samob su nañ, sa anga nêñ ñalêlôm gebe taêm ênam êtiam acgom. Apômtau gêjam lau Israel kêsi anga gamêñ Aiguptuña, mago sêkêñ gêwiñ atom, tec kêtû ñamu gesen êsêac su. ⁶ Taêm ênam añela ñagêdô, tañ sejop tauñ nêñ gôliñ atom ma sêwi nêñ maleñ siñ nañ. Anôtô gêsô êsêac tôn ña kapoacwalô tengeñña sêmoa gêsunbôm ñalabu gebe tau êmêtôc êsêac êndêñ bêc kapôêñ. ⁷ Taêm ênam Sodom to Gomora to malac, tañ gêc ñagala nañ. Êsêac sêsa lêñ têtôm añela tonañ. Êsêac sêgôm gêñ mockaiñña kain teñ to maten danguc tauñboa. Ñagêjô tañ kêtap êsêac sa nañ, êkêñ puc aêac gebe êsêac sêsa ja tengeñña.

⁸ Lau-mêtê-geowaga tau sêjala biñ tonañ, mago sêgôm biñ, tañ sêc mê kêpi nañ, ñanô kêsa ma sêjac môt tauñ. Êsêac sesen Apômtaunê gôliñ su to sêsôm biñ alôb-alôb kêpi lau ñawasi ôña. ⁹ Añelasêga Mikael gêgôm amboac tonañ atom. Gêdêñ tañ êsêagêc Sadan sêsôm tauñ to sêjô biñ kêtû Mosenê ñawêlêlanña nañ, eñ kêtêc tau ma kêmetôc Sadan ña biñ alôb-alôb atom, eñ kêsôm biñ tagen tonec gebe “Apômtau êmêtôc aôm.” ¹⁰ Ma lau tonec sêsôm biñ alôb-alôb kêpi gêñ, tañ sêjam kauc ñam nañ. Ma gêñ nomña, tañ sêjala kêtû tañ kêtôm bôc kaucmê sêjala nañ, tec gêñ tau tonanjen gesen êsêac su.

11 Ojae êsêacmêñ, gebe sêsa Kainnê lêñ ma têdaguc Balamnê keso kêtú têtáp awa saña to sêli biñ sa têtôm Kora, tec sêjaña. 12 Amac embe aniñ moasiñ awiñ taôm ma êsêac embe sêniñ sêwiñ tomajen êmbacgen, go têtôm ñatêmui, tañ jakêsap moasiñ tôñ nañ. Êsêac sen gêñ taên gêjam taunjen. Êsêac têtôm tao, tañ mu gêbuc ma kédaba, mago kêkêñ kom atom nañ. Êsêac têtôm ka, tañ ñalauñ kêsêlô, mago gêjam ñanô gédên ñatêm atom nañ. Têtôm ka, tañ kêtú masê su ma kêku sa tomôkêgen. 13 Êsêac têtôm gwêc kêjaun, ma gêñ tañ sêgôm tomajen gêbacgen nañ, mênkêsa kêtôm gwêc ñaôpic. Êsêac têtôm utitalata, tañ sêsêlên seo-seogen nañ. Anôtô kêmasañ ñagêsunbôm ñakesec tenjenña kêtú êsêacnên gamên sêmoañ.

14 Enok tañ kêtú Adamnê wakucnên ñadênañ ñañac kêtú 7ña nañ, geoc biñ Iasê kêpi êsêac wanêcgen su gebe “Alic acgom, Apômtau gêmên to nê añela 1,000 to 1,000, 15 gebe êmêtôc lau samob ma êkên ñagêjô êndên laudedec-Anôtôwaga êjô êsêacnên koleñ geo samob, tañ sêgôm nañ, to êjô lau sec, tañ dedec Anôtô nañ, nên biñ sec ñajaña kain ten samob, tañ sêsôm kêpi en nañ.” 16 Êsêac sêoc gêdô to sêbu Anôtônê gôliñ. Êsêac sêsa nên lêñ têtac ñakalacña to awen ola sec ma awen sun genogeno biñ gebe têtáp moasiñ sa anga launên.

Juda gêjac biñsu nê lau

17 O lauace, taêm ênam biñ, tañ aêacnên Apômtau Jesu Kilisi nê aposolo sêsôm kwanangen nañman. 18 Êsêac sêsôm gédên amac gebe “Êndên têm ñamuña lau-sêsu-susuwaga oc mênjsêsa, tañ sêsa nên lêñ

sêndanꝓuc tauꝓ nêꝓ têtac ñakalac secꝓa naꝓ.”
 19 Êsêac sêwa gôlôac êkôc-êkôc ma taêꝓ ênam gêꝓ
 nomꝓagenꝓ to sêwê kainꝓ Ñalau Dabuꝓ atom. 20 O
 lauace, amboa taôm samanꝓ, akô binꝓ takêꝓ gêwiꝓꝓa
 dabuꝓanô tau ñaô. Ñalau Dabuꝓ êpuc amac tôꝓ ma
 atenꝓ mec. 21 Amoa Anôtônê têtac gêwiꝓ ñalêlôm ma
 aôꝓ aêacnêꝓ Apômtau Jesu Kilisi nê taê walô êkêꝓ
 amac aꝓgôꝓ matem jali tenꝓenꝓ.

22 Taêm walô êsêac, taꝓ sêmoa tonêꝓ ñalêlôm gêꝓa
 lulu naꝓ. 23 Anam lau ñagêdô kêsi ma ajanꝓo
 Êsêac su aꝓga ja, ma taêm walô lau ñagêdô toatêc
 taômgenꝓ. Andec nêꝓ ñakwê, taꝓ sec ôliꝓꝓa gêgôm
 ñatêmui kêsa naꝓ.

Mec lambiꝓꝓa

24 Êndêꝓ ñac, taꝓ kêtôm gebe ejop amac gebe
 ambenꝓ ananꝓa atom ma etoc amac naakô ênê
 ñawasi ñanêꝓꝓa tolanômniêm sawa ma totêmtac
 ñajamgenꝓ naꝓ, 25 êndêꝓ Anôtô tagenꝓ, taꝓ kêtú
 aêacnêꝓ kêsiwaga kêtú nêꝓ Apômtau Jesu Kilisiꝓa
 naꝓ, ñawasi to wae kinꝓa ma ñajanꝓa to ñaclai. Enꝓ
 gêmoa amboac tonanꝓ gêdêꝓ andanꝓenꝓanô ma galoc
 ma oc êmoa endenꝓ tônꝓenꝓ. Binꝓanô.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb